



PREMIOS ACADÉMICOS FERNANDO BLANCO CURSO 2023 – 2024

A Fundación Fernando Blanco de Lema e o I.E.S. Fernando Blanco de Cee convocan os **PREMIOS ACADÉMICOS FERNANDO BLANCO** correspondentes ao **CURSO 2023-2024**.

BASES

1) Entregaranse un total de 5 Premios destinados aos mellores expedientes académicos dos seguintes cursos:

- 3º da E.S.O.
- 1º de Bacharelato
- 1º de Ciclo Medio
- 1º de Ciclo Superior
- 1º de F. P. Básica

2) Os/As alumnos/as que opten a estes Premios deberán ter todas as materias ou módulos formativos aprobados/as na convocatoria ordinaria, cunha nota media mínima de 8,5. Para iso expedirase un certificado da media aritmética na secretaría do centro, coa confirmación de ser a máis alta do curso correspondente.

3) Será requisito imprescindible para acadar os Premios o matricularse no curso seguinte correspondente no I.E.S. Fernando Blanco de Cee.

4) Non poderá ser merecedor/a do Premio ningún alumno/a que sexa considerado/a responsable dunha conduta contraria á convivencia.

5) Os casos de empate entre os mellores expedientes dun mesmo curso resolveranse do seguinte xeito:

-5.1. En primeiro lugar, comparárase a nota media final ata o 4º decimal.

-5.2. No caso dos cursos de 3º da E.S.O. e 1º de Bacharelato, se persistise o empate, comprobarase a nota media final do curso inmediatamente anterior. É dicir, se houbose empate na nota media final dos alumnos de 3º da E.S.O, comprobaríase a nota media final dos mesmos alumnos en 2º da E.S.O. E, do mesmo xeito, no caso de empate

na nota media final dos alumnos de 1º de Bacharelato, comprobaríase a nota media final dos mesmos alumnos en 4º da E.S.O.

-5.3. No caso do Ciclos Formativos de Formación Profesional, a nota media obtida multiplicarase polo coeficiente resultante de dividir o número de horas dos módulos formativos cursados entre as horas totais de todos os módulos formativos dese curso.

A igual nota media, terá prioridade o/a alumno/a que teña máis horas cursadas.

-5.4. Por último, e no caso de seguir persistindo dito empate, recorreríase ao criterio de desempate na puntuación total atendendo ás letras do primeiro e segundo apelido, resultantes do sorteo da Dirección Xeral de Centros e Recursos Humanos que estea en vigor no momento da concesión das becas - premio.

6) No suposto caso de que nalgún curso o Premio quedase vacante por non acadarse a nota media final mínima esixida (8,5), resolverase da seguinte maneira:

-6.1. Se queda vacante o Premio de 3º da E.S.O., entregaríase o mesmo ao mellor expediente do curso de 2º da E.S.O, ou 1º da E.S.O. en caso de non haber ningún candidato en 2º da E.S.O., sempre e cando se acade a nota media final mínima (8,5).

-6.2. Se queda vacante o Premio de 1º de Bacharelato, entregaríase o mesmo ao mellor expediente do curso de 4º da E.S.O, sempre e cando se acade a nota media final mínima (8,5).

-6.3. Se queda vacante o Premio de 1º de F. P. Básica, entregaríase o mesmo ao mellor expediente do Módulo II da E.P.A (coa condición de que o/a alumno/a estea matriculado/a nun mínimo de dous ámbitos, e se matricule no III módulo no seguinte curso), sempre e cando se acade a nota media final mínima (8,5).

-6.4. Se quedase vacante o Premio de 1º de Ciclo Medio, entregaríanse dous Premios en 1º de Ciclo Superior (aos dous mellores expedientes, sempre que se acade a media final mínima de 8,5).

-6.5. Se quedase vacante o Premio de 1º de Ciclo Superior, entregaríanse dous Premios en 1º de Ciclo Medio (sempre que se acade a nota media final mínima de 8,5).

-6.6. Por último, e no caso de non poder concederse algún dos Premios por non cumprirse o anterior, ese Premio sería acumulable aos outros catro, de tal maneira que se lle concedería á seguinte mellor nota de tódolos cursos que optan a estes galardóns.

7) Cada un dos Premios está valorado en 500 € (parte en metálico e parte en vales de compra). Os premiados dispoñerán de un mes desde a entrega dos premios para consumir estes vales.

8) A entrega dos Premios celebrárase no mes de outubro de 2024, no lugar e horario que decida a Fundación Fernando Blanco de Lema.